

Epoder di cantica di Pete Seeger


Skirbi pa Clyde Harms

Siman pasa a muri na edad di 94 e legendario Pete Seeger, un di e cantautornan cu mas mi a admira y cu mi tabatin e honor di a mira personalmente den añanan 60 mientras mi tabata studia na Universidad di Kansas. Mientras cu e corantnan local tabata yen di noticia di e bagamunderianan di e cantante Justin Bieber, algun di nan ni sikiera a menciona e morto di Seeger. Ta tristo! Mientras uno ta uza e miyones cu e ta gana cu su "talentonan" pa hiba un bida bochoroso, e otro a dedica su bida como cantante, compositor y historiador musical, pa mehora bida di miyones y trece paz na mundo.

Ta poco hende cu ta biba riba nos planeta no a tende di e cantante degenerado cu ta den noticia casi tur dia pa su arogancia y su problemanan

cu ley pa via di actonan di vandalismo, di su uzo di droga y su coremento di auto bou di influencia di alcohol. Na e momento aki tin un peticion na Casa Blanca firma pa mas di 224,000 Americano pa deporta e Canadiense Bieber! En cambio, Pete Seeger tabatin e honor di canta na un concierto di gala na inauguracion di Barack Obama den e Lincoln Memorial na 2009. Berdad ta cu Pete Seeger a ricibi tur e premionan mas halto cu e, como cantautor, por a pensa di ricibi.

Barack Obama a elogia Pete Seeger pa su activismo. Seeger tabata realiza e poder di cancion y su canticanan. Cu su canticanan di decananan 1940 y 1950, Pete Seeger a defende e lucha di obreronan. Na añanan 1960 Seeger su cantica "We shall overcome", un adaptacion di



un "spiritual", a bira e himno di e luchadornan pa derechonan civil lidera pa Martin Luther King. Otro inspiracionnan "Where have all the flowers gone" y "Turn, turn, turn" tabata e canticanan mas poderoso di esnan contra di e guerra na Vietnam. E palabranan di e canticanan tabata eleva e animo di esnan cu tabata subi caya

pa protesta. Despues, Seeger a dedica hopi energia, tempo y talento na e lucha pa proteha e ambiente natural.

Cu su poder di cantica, Pete Seeger a mehora bida di miyones di su contemporaneonan, di hopi cu a bin despues y hasta cu ainda no a nace. Su morto a merece miho di nos prensa local. clydeharms@yahoo.com



Autor cu Tayer Con pa scirbi un buki na Plaza Bookshop

Proximamente e autor multifacetico, Quito Nicolaas lo ta na Aruba pa disfruta di e periodo di Carnaval. Un temporada cu despues di algun aña e ta bishitando y cu ta trece numeroso bunita recuerdonan di su pais. P'e autor esaki ta un momento di vacacion, despues cu aña 2013 tabata uno hopi exitoso cu cuater publicacion riba su nomber.

Na luna di mei su novela - Sombra di recuerdo - cu a marca

historia na Aruba, Corsou y Bonaire a subi mercado. Aparte di esaki aña pasa dos ensayo - Caribbean literature from the ABC-Islands in the European Netherlands y De schrijver no digt de lezer uit voor een Tango - a keda publica. Dos estudio cu ta duna un bista di nos literatura na Hulanda y tambe e nificacion di un novela historico. Na luna december algun di su poesianan - traduci pa Ramon Todd Dandare - a keda selecta

y publica den un antologia na Argentina bou di e titulo Arte Poetica.

Durante su estadia e lo tin diferente compromiso na Aruba y Corsou pa cumpli cu ne.

Banda di entrevista na television, e lo ta diahuebs dia 13 di februari pa 4'or y mei di atardi na Plaza Bookshop na Dakota pa duna un tayer con pa scirbi un buki y pa firma su novela Sombra di recuerdo. E tayer lo ta na Papiamento y lo trata diferente topico, entre otro: Tema di e storia, con ta construi un storia, e personahenan, e dialogo y flashbacks.

N'e Directora di Biblioteca Nacional di Aruba, e lo haci entrega di un ehemplar di e Antologia Arte Poetica pa tin esaki

den e coleccion di e biblioteca. Na Corsou e lo ta den e programa di television Moru Bon Dia di Eileen Looman pa papia encuanto di su obranan literario.

Dia 6 di maart lo tin den Biblioteca di Corsou e presentacion di su ultimo buki, e novela Sombra di recuerdo, cual ta e prome buki di 400 pagina den historia di Papiamento(u) y di Literatura di Aruba y Corsou. E autor lo bishita algun scol pa papia over di su bukinan y pa motiva e hobennan pa sigui lesa. Finalmente diasabra 8 di maart lo tin un actividad na Boekhandel Mensings, unda cu e autor lo firma su bukinan pa esnan cu ta interesa.

Servicio pa Comunidad



Emergencia

Brandweer:	911
Polis:	100
Polis Oranjestad:	102
Polis San Nicolas:	104
Polis Santa Cruz:	105
Polis Shaba:	107
Polis TipLine:	11141

Ambulance San Nicolas:	584-5050
Ambulance Sasaki:	582-5573
Ambulance Wayaca:	582-1234

Hospital:	527-4000
Centro Medico San Nicolas:	524-8833
SVB (AO-Ziekmelding):	527-2782

Botica na warda

Pabou di Brug: Dakota N.V.

Pariba di Brug: Aloe N.V.

Dokter na warda

Pabou di Brug:

Dr. -

Pariba di Brug:

Dr. -

Servicionan

ELMAR Storingdienst:	523-7127
SETAR Storingdienst:	117
Digicel:	145
WEB Storingdienst:	525-4600
Reina Beatrix Int'l Airport:	524-2424
Serlimar:	584-5080
Arugas:	585-1198
Guarda Costa:	913

Funeraria

AD Patres:	5842299
Aurora:	5886699
The Olive Tree:	5820000

Fundacion

Rode Kruis Aruba	582-2219
FADA:	583-2999
Fundacion Respeta Mi:	582-4433
Fundacion Guia Mi:	587-1677
Muhe den Dificultad:	583-5400
Telefon pa Hubentud:	131
Centro Kibrahacha:	588-3131
Stichting Bloedbank:	587-0002
Mary Joan Foundation:	588-9999
Koningin Wilhelmina Fonds:	582-0412

Cas Editorial



The Media Group

Magrietstraat #3
Oranjestad, Aruba
Tel: 583-1400 fax: 583-1444

Orario oficina:

Dialuna pa diabierna
8am - 5pm

Cuenta di banco:

CMB #22982600

E-mail

Redaccion: noticia@awemainta.com
Aviso: aviso@awemainta.com

Abonament: Afl 25,- pa luna

Director:

Victor "Toko" Winklaar
Victor R. Winklaar